

Reprezentacija dobija svoju maskotu: Učestvujte u pronalasku imena za našeg Zmaja

13/12/2010 18:02 by Administrator

Kao što mnoge reprezentacije širom svijeta imaju svoje maskote koje ih predstavljaju, tako će i naša fudbalska reprezentacija od naredne godine dobiti svoju originalnu maskotu u vidu plavožutog zmaja. Već je poznata činjenica da je Reprezentacija.net portal dosta puta do sada javno predlagao brojne stvari u i oko naše reprezentacije.

Među tim prijedlozima aplelirali smo i na to da nam fali maskota te da bi dobro došla na stadionima za vrijeme utakmica naše nacionalne selekcije. Nažalost odgovorni za to nisu imali sluha pa se uvijek to nekako zataškivalo. Slično mišljenje našim imala je mlada umjetnica rodnom iz Prijedora, Anita Zečević koja je došla na ideju o maskoti te sama dizajnirala "Zmaja", a zatim ga predložila ljudima iz N/FSBiH što su ovi prihvatili. Anita ima 24 godine i diplomirala je slikarstvo u mjesecu maju ove godine. Razgovarao: A. Goran Zanimalo nas je otkud je došla na ideju o kreiranju maskote i kako je protekao sav taj ciklus. - Od malih nogu sam opsjednuta fudbalom što mojoj mami nikako nije bilo jasno. Pratim redovno utakmice naše fudbalske reprezentacije, a kada mi se stvori prilika odem ih uживo pogledati. Na utakmici protiv Njemačke u Frankfurtu, terenom se šetala maskota koja je zabavljala svoje navijače. Posmatrala sam je i od tog momenta me je proganjalo pitanje - zašto mi nemamo svoju maskotu, izjavljuje Anita za naš portal. - Odlučila sam sama da kreiram maskotu za svoju reprezentaciju. Kao maskotu izabrala sam da to bude "Zmaj". Dugo sam crtala razne zmajeve sve dok nisam bila zadovoljna. - Za vrijeme boravka u mom Sanskom Mostu, ovoga ljeta, odnijela sam konačnu skicu svoga "Zmaja" u naš Savez i razgovarala sa gospodinom Jasminom Bakovićem (generalni sekretar N/FSBiH) koji je podržao moju ideju te mi predložio da zaštitim zmaja i dam mu konačno ime, riječi su mlade Prijedoranke koja traži pomoć upravo od vas, pri pronalasku adekvatnog imena za maskotu koja će predstavljati našu reprezentaciju. - Stoga bih ovim putem zamolila čitaoce ovoga portala da mi pomognu oko toga i da pošalju svoje prijedloge u vezi nadijevanja imena našoj maskoti. Bh. navijači su imali priliku vidjeti "probnu" maskotu, Zmaja, za vrijeme kvalifikacione utakmice BiH - Francuska koja se u septembru igrala na stadionu "Asim Ferhatović Hase". Radilo se o Zmaju čiji izgled još uvijek nije bio u potpunosti usavršen. Zmaj je tokom utakmice šetao atletskom stazom stadiona a navijači su ga pozdravljali aplauzom. Svoje prijedloge o imenu maskote šalјite na mail: press@reprezentacija.net Ova e-mail adresa je zaštićena od spam robota, nije vidljiva ako ste isključili JavaScript, najkasnije do 20. decembra. Nakon toga ćemo izabrati najprikladnije ime kojim će se u budućnosti zvati maskota naše reprezentacije.

Izvor vijesti: reprezentacija.net